



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Formvlae Qvaedam Cavte Et Citra Scandalum loquendi de  
præcipuis Christianæ doctrinæ locis**

**Rhegius, Urbanus**

**Bonnae, 1544**

**VD16 R 1801**

22 Sepultura.

**urn:nbn:de:hbz:466:1-35397**



cessaria. Sic enim Gregorius scripsit  
Massiliensi Episcopo: Quod legētib;  
est scriptura, hoc idiotis præstat pictu-  
ra. Nullum igitur mandatū est in no-  
uo Testamēto de Imaginibus tollēdis,  
sed eis uti possumus ex libertate Chri-  
stiana, tantū caueatur abusus. Nam si  
alicubi esset imago, ad quam rude & su-  
perstitiosum uulgus accederet, & eam  
ueneraretur, & apud eam auxiliū quære-  
ret, hanc debet certe Magistratus eius  
loci tollere, ne idololatria cōmittatur,  
Exemplo Ezechia regis, qui æneū ser-  
pentem à Mose factum, confregit tan-  
dē propter abusum, quia populus stoli-  
dus cœperat ei diuinos honores impen-  
dere, & eum adorare. IIII. Reg. XVIII.

QVOMODO DE SE-  
pultura caute loquendum.

Articulus nostræ fidei præcipuus  
A docet, hanc eandem carnem, quā

G v nunc



nunc gestamus, in nouissimo die glori-  
ficandā & resurrecturā esse in uitā æter-  
nam. Sicut enim Christus resurrexit, &  
ultra nō morietur, ita Christiani omēs  
resurgere habent cum corporibus suis,  
inquit Athanasius in Symbolo. Quare  
sepultura est à Christianis religiose tra-  
ctanda, propter infallibilē spem nostrę  
resurrectiōnis. Funera sunt à piis dedu-  
cenda, usq; ad sepulchrū, & cum corpus  
sepelitur, debet Pastor aut uerbi Mini-  
ster breui concione consolari populū,  
ut primo recorderet, nos omnes in Adā  
esse mortuos & dānabiles. Deinde rur-  
sus nos omnes in Christo uiuificari,  
qui omnia restituit, quæ prius Adā cor-  
rupit & perdidit. Ipse enim mortuus est  
propter peccata nostra, quę omnia ipse  
sua morte expiauit, & nostram mortē  
aboleuit, Et factus est omnibus Christi  
fidelib⁹ Resurrectio & Vita, Qui credit  
in eum,



in eum, etiamsi mortuus fuerit, uiuet.  
Et omnis qui uiuit, & credit in eum, nō  
moriatur in æternū, Ioh. XI. Corpora  
nostra mēbra sunt Christi. Sicut igitur  
deus suscitauit Christum Dominū &  
caput nostrū, Ita & nos suscitabit per po-  
tētiam suam. I. Cor. VI. Hic tractet cō-  
cionator locū illū. I. Thess. IIII. Nolo  
uos ignorare fratres, usq; ad finem, uel  
aliquē locum ex. xv. ca. I. ad Cor. de glo-  
riosa resurrectione Christi, & Christia-  
norū, ut articulus ille, Credo huius car-  
nis resurrectionē, firmiter imprimatur  
cordibus hominū, & fides resurrectio-  
nis confirmetur & exerceatur. Recte e-  
nim Ambrosius ait super Epistolę I. ad  
Cor. XV. cap. Omnis spes credentiū in  
hoc sita est, quòd mortui resurgent.

Hæc cęremonia honestę sepulture  
semper fuit in Synagoga, & in Ecclesia,  
& est testimoniū nostrę fidei, qđ credi-  
mus



mus resurrectionem carnis, Et nostræ  
charitatis erga proximos defunctos,  
quos credimus nō esse amissos, sed tan-  
tum præmissos, non dubitantes, nos in  
die Domini omnes amicos nostros rur-  
sum uisuros, & mansuros simul cum  
Christo in æternum.

Erat certè in ueteri Testamēto hor-  
ribilis pœna, priuari sepultura, & cada-  
uer proiici sine honore, ut uidemus, 5.  
Reg. 13. 4. Reg. 9. Iere. 8. 14. 16. 19. 22. 34. 36.  
Ezech. 39. Pater noster Abraham non  
ne Saram suam sepeliuit in Hebron ho-  
noricè, qui locus sepulture Patriarcha-  
rum deinceps erat, Gen. 23. 26. Similia  
lege de aliis patribus Gen. 35. 37. 39. 47.  
49. 50.

Nonne filius uiduæ cū honore effe-  
rebatur extra Nain, Luc. 7. Lazarus ho-  
noricè sepultus erat in Bethania?

Sæpe in sepulturis inculcētur popu-  
lo



lo uerba hæc consolatoria, uel similia.

Psal. 71. Pretiosus erit sanguis eorū  
in oculis ipsius, & loquitur de Christia  
nis, quorum sanguis Deo curæ est.

Et Psa. 115. Preciosa in cōspectu Do  
mini mors sanctorum eius, Non autē  
esset preciosa, si corpus, altera pars ho  
minis, non resurgeret.

I. Cor. X V. Corpus seminatur, sepe  
litur in terram instar seminis, in corru  
ptione, in ignominia, in infirmitate,  
sed resurget in incorruptibilitate, glo  
ria & potentia.

Obsecro uos fratres per Christum,  
primitias resurgentium, ut ad uerbum  
ediscatis xv. caput primæ ad Corinth.  
ut apud morientes, & in sepulturis, sem  
per ex eo consolationē in promptu ha  
beatis, Det uobis Dominus in omni  
bus intellectum, A M E N.



